

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA**

01.06.2018

PREMLJENO



Broj: 04-1427-593-10/18
Tuzla, 31.05.2018. godine

Na osnovu člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke Komisije broj: 04-1427-592-8/18 od 25.05.2018. godine, donosim

**ODLUKU
o izboru najpovoljnijeg ponuđača**

I

Prihvata se Preporuka Komisije za izbor najpovoljnije ponude, za kupovinu poslovnog prostora za potrebe Zavoda zdravstvenog osiguranja Tuzlanskog kantona na području grada Tuzla, broj: 04-1427-592-8/18 od 25.05.2018. godine.

II

Za najpovoljniju ponudu za kupovinu poslovnog prostora, za potrebe Zavoda zdravstvenog osiguranja Tuzlanskog kantona na području grada Tuzla bira se ponuda ponuđača IZAZOV d.o.o. Kalesija, sa cijenom u iznosu od 1.303,15 KM po m² sa uključenim PDV-om i Porezom na promet nepokretnosti.

III

Zadužuje se Sektor za pravne i opšte poslove Zavoda zdravstvenog osiguranja Tuzlanskog kantona, da nakon stupanja na snagu ove Odluke, provede sve potrebne radnje oko zaključivanja Ugovora sa izabranim ponuđačem.

IV

Odluka stupa na snagu danom donošenja.

Obrazloženje

Odlukom broj: 04-1427-592-1/18 od 05.04.2018. godine pokrenut je postupak kupovine poslovnog prostora za potrebe Zavoda zdravstvenog osiguranja Tuzlanskog kantona na području grada Tuzla, sa procijenjenom vrijednosti nabavke u iznosu do 300.000,00 KM sa uračunatim PDV-om.

Zavod zdravstvenog osiguranja Tuzlanskog kantona (u daljem tekstu: Zavod) je objavio Javni poziv za kupovinu poslovnog prostora za potrebe Zavoda zdravstvenog osiguranja Tuzlanskog kantona na području grada Tuzla, broj: 04-1427-592-1/18. Poziv je objavljen 09.04.2018. godine na internet stranici Zavoda i oglasnoj tabli Zavoda, a rok za dostavu ponuda bio je 15 dana od dana objavljivanja Javnog poziva odnosno do 24.04.2018. godine.

Odlukom broj: 04-1427-592-2/18 od 23.04.2018. godine Direktor Zavoda je imenovao Komisiju za izbor najpovoljnije ponude za poslovni prostor za potrebe Zavoda zdravstvenog osiguranja Tuzlanskog kantona na području grada Tuzla (u daljem tekstu: Komisija).

U Komisiju su imenovani: Muhamed Muharemović, dipl.ecc kao predsjedavajući Komisije, Emir Alibašić, dipl.ing.el kao član Komisije i Suad Hasanhodžić, dipl.ecc kao član Komisije.

Komisija je na otvaranju ponuda, dana 27.04.2018. godine, utvrdila da su dostavljene 2 (dvije) ponude, i to od strane "GROMEKS" d.o.o. Srebrenik i "IZAZOV" d.o.o. Kalesija, koje su blagovremene.

Pregled dostavljenih ponuda:

R.br.	Naziv ponuđača	Površina ponuđenog prostora u m ²	Cijena po m ² u KM sa uključenim PDV-om
1.	"GROMEKS" d.o.o. Srebrenik	194,40	2.100,00
2.	"IZAZOV" d.o.o. Kalesija	230,21	1.303,15

Dana 27.04.2018. godine, sačinjen je Zapisnik o otvaranju i pregledu ponuda, broj: 04-1427-592-3/18, koji sadrži sve elemente u vezi pregleda i ocjene dostavljenih ponuda.

Dana 18.05.2018. godine, ponuđačima su dostavljeni Pozivi na sastanak, a u vezi njihovih dostavljenih ponuda vezanih za Javni poziv.

Pregovori su održani 24.05.2018. godine sa svim ponuđačima, o čemu je sačinjen i Zapisnik sa pregovora broj: 04-1427-592-7/18, koji sadrži zaključke koji su doneseni na pregovorima.

S obzirom da je tačkom 3. Javnog poziva broj: 04-1427-592-1/18, definisan kriterij za izbor ponude, Komisija je stava da je ponuđač IZAZOV d.o.o. Kalesija, dostavio ponudu koja je najpovoljnija i koja ispunjava sve kriterije tražene Javnim pozivom, te na osnovu toga dostavila Preporuku direktoru Zavoda zdravstvenog osiguranja Tuzlanskog kantona.

Shodno kriterijju za izbor najpovoljnije ponude, navedenom u tački 3. Javnog poziva broj: 04-1427-592-1/18, koji je objavljen 09.04.2018. godine, imajući u vidu činjenicu da je ponuda ponuđača IZAZOV d.o.o. Kalesija najpovoljnija i da je formalno – pravno ispravna, donosi se Odluka o izboru, odnosno Ugovor za kupovinu poslovnog prostora, za potrebe Zavoda zdravstvenog osiguranja Tuzlanskog kantona na području grada Tuzla dodjeljuje se ponuđaču IZAZOV d.o.o. Kalesija, sa cijenom u iznosu od 1.303,15 KM po m² sa uključenim PDV-om i Porezom na promet nepokretnosti.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Zavodu zdravstvenog osiguranja Tuzlanskog kantona, u pisanoj formi direktno ili preporučenom poštanskom pošiljkom na adresu: Zavod zdravstvenog osiguranja Tuzlanskog kantona, Franjevačka 36, Tuzla 75 000.

Žalba se podnosi u najmanje 3 (tri) identična primjerka.

DOSTAVLJENO:

1. Ponuđačima (s povratnicom)
2. Sektor za pravne i opšte poslove
2. Sektor za trezorsko poslovanje
3. a/a



DIREKTOR

Mirsad Hodžić, dipl. ecc

